

BRIEFING NOTE

Y.BHG. DATO' HAJI ABD. RAHIM BIN MD ARIFF

YANG DIPERTUA MAJLIS PERBANDARAN TAIPING

UNTUK MESYUARAT PENUH

BIL 3/2019 PADA 28 MAC 2019

1.0. ENVIRONMENTAL VEHICLE (EV-BUS) UNTUK MELAWAT JEJAK WARISAN TAIPING

Seperti yang dinanti-nanti hampir tiga tahun lalu, sebuah bas EV (*Environmental Vehicle*) bakal akan dilihat mengelilingi laluan Jejak Warisan Taiping sejauh 11.5 km bersama-sama pelawat dan pelancong. EV Bus yang diberikan oleh kerajaan Jepun kepada MPT melalui program kerjasama kerajaan negeri Perak dengan *Japanese International Cooperation Agency* (JICA) adalah sebagai satu usaha untuk menjayakan program melestari bandar Taiping dan mempromosikan program persekitaran hijau. Operasi bas EV ini akan dilaksanakan sepenuhnya oleh pihak Majlis dan penyelenggaraan teknikal oleh Tetuan Dream Edge. Perancangan pelaksanaan EV Bus di laluan Jejak Warisan akan diperkemaskan dengan beberapa ketetapan seperti jarak laluan, bayaran tambang dan lain-lain pakej yang bersesuaian agar impak dari lawatan akan memberi manfaat kepada aktiviti pelancongan Taiping secara optimum.

Projek ini telah dimulakan sejak 2016 dengan kerjasama pihak perunding tempatan, perunding daripada Jepun serta Dream Edge dan Pihak Berkuasa Pelaksanaan Koridor Utara (NCIA) selaku Rakan Strategi. Bas EV-MPT telah melalui pelbagai proses untuk mendapat

kelulusan daripada pihak-pihak yang berwajib bagi tujuan kegunaan bas ini sebagai pengangkutan awam. Kelulusan daripada agensi-agensi berkuasa telahpun diperolehi termasuk kelulusan pengecualian cukai duti import dan cukai jualan daripada Kementerian Kewangan Malaysia (MOF).

Bas EV-MPT kini sedang dalam proses pemeriksaan oleh pihak yang berkaitan seperti Jabatan Perkhidmatan Jalan (JPJ), PUSPAKOM dan pemasangan '*Bus Wrap*' di Cyberjaya, Selangor dan dijangka tiba di Taiping pada awal April nanti.

2.0 AUTISM FUN WALK & RUN 2019

Kelab Sukan dan Kebajikan MPT dan Persatuan Bina Kerjaya OKU Perak akan menganjurkan Autism Fun Walk & Run 2019 pada 14 April 2019 (Ahad) bertempat di Dataran Kedamaian, Taman Tasik Taiping. Acara yang dijalankan adalah Fun Walk sejauh 3KM manakala Fun Run sejauh 5KM di sekitar Taman Tasik.

Acara ini dianjurkan bersempena dengan Sambutan Hari Autism Seduania yang jatuh pada 2 April 2019 dan objektif utamanya ialah untuk meningkatkan kesedaran terhadap autisme. Adalah sejenis gangguan ketidakseimbangan perkembangan saraf yang akan memberi kesan kepada kesejahteraan dan kemajuan fungsi intelek kepada penghidap. Kini terdapat hamper 47,000 orang kanak-kanak di Malaysia yang menghadapi gangguan autism, atau lebih dikenali sebagai kanak-kanak autistik. Program ini telahpun mencapai penyertaan seramai 850 orang peserta.

3.0 PROGRAM RANTAIAN INTEGRITI “RASUAH DIHINA, MARUAH DIBINA, TAIPING SEJAHTERA”.

Semalam telah berlangsungnya program Program Rangkaian Integriti “Rasuah Dihina, Maruah Dibina, Taiping Sejahtera” anjuran Majlis Perbandaran Taiping dengan kerjasama Suruhanjaya Pencegahan Rasuah Malaysia (SPRM) bertempat di Dataran Warisan, Taiping. Program ini bermula dengan acara larian bermula dari kaki Bukit Larut pada jam 7.30 pagi manakala acara berbasikal telah bermula pada jam 8.30 pagi dari Dataran Kedamaian Taman Tasik Taiping. Kemuncak program ialah semua peserta-peserta larian, berbasikal dan kakitangan awam berkumpul di Dataran Warisan untuk melaksanakan program rangkaian integriti sebagai simbolik bagi menyatakan sokongan terhadap usaha membasmi rasuah secara berterusan.

Program ini merupakan salah satu antara Program Pembudayaan Integriti yang telah dirancang oleh Majlis Perbandaran Taiping dengan kerjasama Suruhanjaya Pencegahan Rasuah Malaysia Negeri Perak dalam usaha meningkatkan kesedaran penjawat awam tentang kepentingan pembudayaan integriti dalam pekerjaan selain menggalakkan amalan nilai-nilai murni dalam kehidupan seharian.

Objektif utama program ini adalah untuk menyebarkan mesej anti rasuah disamping mendidik serta mendapatkan sokongan masyarakat dan jabatan-jabatan awam dalam Daerah Larut Matang khususnya, terhadap usaha membasmi rasuah secara berterusan.

Setiap tahun juga pihak Majlis Perbandaran Taiping dan Suruhanjaya Pencegahan Rasuah Malaysia Negeri Perak merancang sekurang-kurangnya tiga program Integriti dilaksanakan demi memastikan kepentingan pembudayaan integriti yang berterusan di kalangan kakitangan. Adalah diharapkan semua penjawat awam di Daerah Larut Matang agar semasa melaksanakan tugas hendaklah mempamerkan sikap tegas, berani, adil dan sanggup mengambil risiko bagi menentukan integriti dan governans tidak dikompromikan. Semoga pada suatu masa nanti, prestasi sektor awam dan kepercayaan rakyat akan bertambah baik.